

重刊道藏輯要

心集一

太上玄元道德經

孚佑上帝全經闡義

八洞仙祖分章合注

體道章第一

道元始一炁可道非常道道本無言長養萬物可名非常名虛无自然擬議便非名不可知識

愈探愈深 愈執愈失

正陽帝君注曰此道字在孔子言則為後天中庸云道之大原出於天是有天而後有道非後天而何若以太上言則道字乃先天之道矣惟有道而後有天所謂道生天地是也故

道藏輯要

道德經解

壹

心集一

是經開端便云道若可道非常道也可道即後天之道非常者如著在一邊就在一邊不能渾蓋包羅若大道則不可道也惟不可道道斯常周而名亦如之名即仁義禮智之名其生此仁義禮智者道也謂之仁謂之義謂之禮與智便落後天而仁不能通乎義禮不能通乎智是所以無常名也而所以仁所以義所以禮與智則不可名其不可名者道而已矣蕩蕩難名 民無得稱 名天地之始 純亦不已 有太極分真 名萬物之母 降本流末 故常無欲以觀其妙 隱顯莫測 常有欲以觀其微 守養育羣生 抱一有意操持

又曰無字一讀無即所謂無極也未有天地先有此道道麗

於無非天地之始乎有字一讀有即所謂太極也惟有道而後萬物生無趨於有非萬物之母乎常無一讀無何以見妙無不終無微妙不可端倪故欲觀之蓋是無非蹈空之無也常有一讀徼者繳也盡也即所謂遍也凡物有不能遍其不能遍者以所植之淺也惟道則常有有根於無從無生有有斯不窮不窮斯徼矣而要非迹象之有也故欲觀之

此兩者執其兩端同出而異名一分造化同謂之玄盡性至命

玄之又玄形神俱妙眾妙之門悟由此入

又曰兩即有無之兩無此道也有此道也謂之同出而或以無名或以有名名則異矣玄者深遠無極之所出有入無道

道藏輯要

道德經解

二 心集一

之神妙若此欲不謂之玄也能乎然第謂之玄則猶可以迹象求也毛輜有倫是也至玄之又玄則鮮所測度所謂無聲無臭是也非至而何然又不終於無眾有皆從此化化生生故曰眾妙之門

養身章第二

天下皆知美之為美自揚己美斯惡已有危皆知善之為善有功

也名斯不善已人所爭也故有無相生無必生有難易相成先難後獲

長短相形道本無形高下相傾天旋地轉音聲相和一風萬籟

前後相隨往古即今

正陽帝君注曰大道不滯形迹不分畛域不落意見渾渾淪淪